

/նախագգուշացում կիրառելու մասին/

«28» փետրվարի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով «ԲԱՐՍԻՍ» ՍՊԸ-ի աշխատակից Վահան Լևոնի Զանոյանի (նույն.քարտ՝ 008143117, հասցե՝ Հր. Ներսիսյան փողոց, 1/30, ք.Երևան, Շենգավիթ, Արշակունյաց պողոտա, 57/16) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

Հարավային մաքսատուն-վարչության Մեղրիի մաքսային կետ-բաժնի 4-րդ բաժանմունքի մաքսային տեսուչի ժթպ-ի կողմից իրականացված մաքսային հսկողության արդյունքում պարզվել է, որ «ԲԱՐՍԻՍ» ՍՊԸ-ի աշխատակից Վահան Լևոնի Զանոյանը թիվ 05100041/190123/0000171 ապրանքների հայտարարագիրը լրացնելիս 18-րդ և 21-րդ սյունակների փոխադրամիջոցի նկարագրության 3-րդ դաշտում տրանսպորտային միջոցի պետհամարանիշը լրացրել է ոչ ճշգրիտ: Վերոնշյալ ոչ ճշգրիտ տեղեկությունը ներկայացնելու արդյունքում չհաշվարկված (պակաս հաշվարկված) կամ չվճարված (պակաս վճարված) մաքսային վճարներ, մաքսային մարմինների կողմից գանձվող այլ հարկեր, տուրքեր և վճարներ (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չեն առաջացել:

Փաստի առթիվ 20.01.2023 թվականին Հարավային մաքսատուն-վարչության Մեղրիի մաքսային կետ-բաժնի 4-րդ բաժանմունքի մաքսային տեսուչի ժթպ-ի կողմից «Մաքսային կարգավորման մասին» ՀՀ օրենքի 316-րդ հոդվածի հատկանիշներով հարուցվել է վարչական վարույթ:

«ԲԱՐՍԻՍ» ՍՊԸ-ի աշխատակից Վահան Լևոնի Զանոյանին ք.Երևան, Քանաքեռ-զեյթուն, Հրաչյա Ներսիսյան փողոց, շենք 1, բն. 30 և ք.Երևան, Շենգավիթ, Արշակունյաց պողոտա, 57/16 հասցեներին ուղարկվել է ծանուցագիր և արձանագրություն, սակայն ծրարները փոստային ծառայության կողմից հետ են վերադարձվել «չպահանջված» նշագրմամբ:

Թիվ 05100041/190123/0000171 ապրանքների հայտարարագրում նշված vjanoyan@gmail.com էլեկտրոնային հասցեին նույնպես ուղարկվել է «ԲԱՐՍԻՍ» ՍՊԸ-ի աշխատակից Վահան Լևոնի Զանոյանի նկատմամբ «Մաքսային կարգավորման մասին» ՀՀ օրենքի 316-րդ հոդվածի հատկանիշներով հարուցված վարչական վարույթի մասին ծանուցագիրը և արձանագրությունը, սակայն քաղաքացին չի արձագանքել և չի հավաստել, որ ստացել, չնայած ապրանքների հայտարարագրում իր կողմից է նշվել վերոնշյալ էլեկտրոնային հասցեն:

Վահան Լևոնի Զանոյանի հասցեն պարզելու նպատակով հարցում է կատարվել ՀՀ Ներքին գործերի նախարարության Միգրացիայի և քաղաքացիության ծառայությանը:

ՀՀ Ներքին գործերի նախարարության Միգրացիայի և քաղաքացիության ծառայությունից հայտնել են, որ 24.08.2005 թվականից Վահան Լևոնի Զանոյանը հաշվառված է ք.Երևան, Քանաքեռ-զեյթուն, Հրաչյա Ներսիսյան փողոց, շենք 1, բն. 30 հասցեում:

Վահան Լևոնի Զանոյանի անվամբ գրանցված անշարժ գույքի հասցեները պարզելու նպատակով հարցում է կատարվել ՀՀ կադաստրի կոմիտե:

ՀՀ կադաստրի կոմիտեից հայտնել են, որ Վահան Լևոնի Զանոյանի (ն/ք՝ 008143117) անվամբ անշարժ գույքի նկատմամբ սեփականության իրավունքի պետական գրանցում ՀՀ տարածքում կատարված չէ:

Վահան Լևոնի Զանոյանին հայտնաբերելու և ծանուցագիրն ու արձանագրությունը հանձնելու նպատակով՝ գրություն է ուղարկվել ՀՀ ՊԵԿ մաքսանենգության դեմ պայքարի վարչություն, սակայն քաղաքացին հեռախոսազանգի միջոցով հայտնել է, որ ծանուցագիրը և արձանագրությունը հրաժարվում է ստանալ:

Վահան Լևոնի Զանոյանի սահմանահատումների պատմությունը ստանալու նպատակով՝ 27.02.2023 թվականին հարցում է կատարվել ՀՀ ՊԵԿ Ներքին անվտանգության վարչություն:

Ներքին անվտանգության վարչությունից ստացված տեղեկատվության համաձայն՝ ՀՀ քաղաքացի Վահան Լևոնի Զանոյանը 28.10.2022 թվականին Բագրատաշեն պետական սահմանի անցման կետով մուտք է գործել ՀՀ:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային

օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 316-րդ հոդվածի 1-րդ մասի համաձայն՝ ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը, որի հետևանքով չի առաջանում մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես նաև արգելքների և սահմանափակումների, ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է նախազգուշացում:

«Մաքսային կարգավորման մասին» ՀՀ օրենքի 332-րդ հոդվածի համաձայն՝ համաձայն՝ մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս:

Վարչական վարույթի շրջանակներում պարզվել է, որ Վահան Լևոնի Զանոյանի նկատմամբ որևէ մաքսատու-վարչության և իրավաբանական վարչության կողմից նախազգուշացում չի կիրառվել:

Հաշվի առնելով, որ «Մաքսային կարգավորման մասին» ՀՀ օրենքի 316-րդ հոդվածի 1-ին մասով նշված պայմանները պահպանված են, և ղեկավարվելով «Վարչական

իրավախախտումների վերաբերյալ» ՀՀ օրենսգրքի 23-րդ հոդվածի 1-ին կետով և 25-րդ հոդվածով, «Մաքսային կարգավորման մասին» ՀՀ օրենքի 332-րդ հոդվածով՝

Ո Ր Ո Շ Ե Ց Ի

1. Վահան Լևոնի Զանոյանի նկատմամբ կիրառել նախազգուշացում:
2. Որոշման մասին հայտնել Վահան Լևոնի Զանոյանին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ